

What Russia does to the Ukraine is unforgivable. This pacifistic text is meant as an attempt to de-escalate for preventing more damage from being done.

Also, its Swiss German as an homage to Chuchichästli.

## Dear Enemy

Hey Putin, fluetisch d Ukraine mit dine Lüt,  
Beleidigsch sä uf z Bluet, drbii tüe si dir nüt.

Und i weiss, es isch ä schwiregi Zit,  
Wos finanziell und gsundheitlech kei Sicherheit git.  
Aber dänk mau mit, dass mä dir das nümme vrgisst.  
We eine nur us Längwiili uf Ziviliste los schiesst.

Es isch nid guet, we mä Züg i sich frisst.  
Chum mir hockä zämä einisch a dä lyrischi Tisch.  
I ha kei Hass gägä di, nei man du tuesch mir leid.  
U schinbar het dir das scho viuzlang kenä me gseit.

Hesch so es bedrückends gfüel, irgendwelchi Komplexä,  
Dass du anderen weh tuesch, nur zum ä chli flexä?  
I weiss, es cha weh tue, we eim öpper verletzt.  
Denn bruucht mä ä Dialog, drum schriib ig dä Text.  
Ha z lang nid realisiert, nid checked wies dir geit.  
Wies um di und dini gfüel eso steit. Aber hey,  
Mir bruuchä eifach ä Usziit, si aui sehr gstresst,  
Bruuchsch öpper wo zuelost, drum schriib ig das jetzt.

Leg d Waffä a bodä, hock dört ab wod grad steisch.  
Los uf d Vögu und di Atem, bis d Ziit nüm vrgeit.  
We mir enang uusbrämsä, bliibä aui nur stah.  
Wärs nid villecht besser, dä Wäg hie gmeinsam z begah?

I redä nid vo Wäutmächt, wo enang mit Atomwaffä drohä,  
oder Gigakonzärnä wo gmeinsam nach Ärdöu wei borä.  
I redä vo respäktvouem Umgang, das mir üs liebe wie nie,  
enang häufä üsi Ziu z erreichä, wüu das jedä verdient.

*Beat und Melodie fertig*

Z Läbä isch mengisch unfair, es isch was es isch.  
Aber für die Situationä gits dä lyrischi Tisch.